



**Châng thlan:** *1 Thesalonika 2:4.*

**Zirlâite tân:**

**Hriat tûr:** Pathian Lehkhabu, Thuthlung Hlui leh Thuthlung Thar lehkhabu-tena enkawltu nihna chungchâng an sawi dân hi an hria ang.

**Vei tûr:** Anmahni nun tawng mil ang zêla enkawltu ni tûra koh a nihna chu an hrethiam ang.

**Tih tûr:** Enkawltu an nihna kawnga anmahni kaihruaitu tûr tlângpui an duang chhuak ang.

**THUPI THEN:**

**I. Hriat tûr: Enkawltu nihna awmzia**

- A. Thuthlung Hlui hunlâia enkawtu hnâ leh Thuthlung Thar huna enkawltu hna danglamna chu eng nge ni?
- B. Bible hunlâia enkawltûte chungah khân eng mawhphurhna nge pêk a nih?
- C. Enkawltûte kan nihna anga kan mawhphurhna chu engte nge ni?

**II. Vei tûr: Mi zawng zawng huam vek kohna chu**

- A. Tûnlâi khâwvêl kan chênna hmunah hian eng tin nge koh kan ni tih kan inhriatna chu rinawm takin kan hlen chhuah theih ang?
- B. Chanchin ða hril darh tûra Bible-in mawhphurhna min pêk hi a phûrawmna chu eng tin nge a takin kan chantîr theih ang?

### III. Tih tûr: Enkawltu nihna ziarâng

- A. Bible-in enkawltu nihna ziarâng a sawi zînga engte hi nge tûnlâi huna enkawltu nihna atân pawh kan hman ve ang?
- B. Enkawltu kan nihna tûra mi malin ruahmanna kan siamahte hian kan nuna a eng lâite hi nge telh ngêi ngâi awm le?
- C. Enkawltu ðha tak ni tûra thutlûkna kan siamte chu engtin nge kan chhûngkhatte leh kan ðhian ðhâte hnênah kan sawifiah ang?

**KHÂIKHÂWMNA:** Enkawltu nihna thupui hrang hrangte hi Pathian Lehkhabu-a an chanchin kan hmuh ringtu rinawm tak takte nunah hian a bet tlat hlawm a. Enkawltu nihna meichher chu chhuan tinah hlan chhâwn zêl a ni baw. Tûnah chuan keini hian enkawltu rinawm takte ni chung a chhuan lo awm leh tûrte hnêna kan hlan chhâwn vê hun a thleng ta a ni.

#### INZIRTÎR DÂN TÛR

#### RAHBI 1-NA—Chawk phûr rawh

**Bible châng thlûr bing tûr:** *1 Thesalonika 2:4.*

**Thlarau ðhanna atâna thu pawimawh:** *Enkawltu rinawmte chu rilru phîr nei lo, an thîlunga anmahni enkawltu Pathian duh dâna awm tum tlat ðhînte an ni.*

**ZIRTÎRTÛTE PUÂL:** Tûn kêr zirlâi hian Bible-in enkawltu nihna awmzia chu sawfiahin, Thuthlung Hlui leh Thuthlung Thar lehkhabeuta enkawltu entawn tlâk tak takte chanchin min chhuipui dâwn a. Pathian Lehkhabu-in a sawite hi enkawltu nihna atâna lungphûm pawimawh tak a ni. Chûng a thil sawite chu tûnlâi huna enkawltûte hian nun chhuaipui vê an tum ang a, an Zirtîrtu tâna an phûrna chu, chu chhuan lo awm leh tûrte hnênah pawh an hlân chhâwnng vê ang.

**A sawi hawanna:** Enkawltu tih hi tûnlâi hunah chuan thumal hriat lârl loh pâwl tak a ni âwm e. Chûbâkah, tûnlâi khawvêl angah hi chuan enkawltûte an awm a ðulna vak pawh a awm ta lo hrim hrim baw. A hnuaia thumal târ chhuahte hi chhiar la, a eng ber hian nge hmânlâi huna enkawltu hnatnawh ang kha hnaih ber le? A chhan sawifiah baw la.

Hmânlâi huna enkawltu hnathawh ang min hrilhfiah thei tûr thumalte chu:

neitu	entrepreneur	president	mi rawih
bâwih	chief executive officer	manager	
chhiahhlawh	plant operator	thawktute viltu	
hna endiktu	chief of operations	guardian	
vice president	hlawhfâ	farmhand	
staff member	hna thiam chungchuang		
accountant	chief financial officer		

A dang pawh a la awm a nih chuan a belh leh zêl thei bawk. Hêngte hi Bible-a enkawltûte nihna hrang hrang nêh i khâikhin dâwn nia.

## **RAHBI 2-NA—Zawng chhuak rawh**

**ZIRTÎRTÛTE PUÂL:** Tûn kêr zirlâi hian enkawltu tih thumal Bible-in a hman dân chu min chhuipui ber dâwn a. Chumi chu enkawltu nihna tih thumal kan hriatthiam theih nâna a lungphûm a ni bawk. Chutianga enkawltu nihna kan sawifiah pah chuan Thuthlung Hlui leh Thuthlung Thar lama enkawltûte thiltih thîn leh an mawhphurhnate pawh kan thlîr kual bawk ang.

## **ZIR ZÂUNA**

**I. Enkawltu nun** (*Genesis 2:15; 24:34–38; 39:4; 43:19; Isaia 22:14–18; Luka 12:35–48; 1 Korin 4:1, 2; Tita 1:7; 1 Petera 4:10*).

Professor N. Avigad-a chuan Oliv Tlâng pangpêra thlân pakhat awm chu Isaia lehkhabu-a kan hmuh Sebna (*Isa. 22:14–18*) thlân kha niin a sawi a. Chu thlâna thuziak, tûna British Museam-a an dah tâkah chuan he thu hi a chuang a: “Hei hi Shebanyahu, in chung a mî thlân a ni,” (*The Seventh-day Adventist Bible Commentary*, vol. 4, p. 191 en la.)

“In chung a mi” (“who is over the house”) tih tawngkam hi Thuthlung Hlui hunlâia enkawltu tih an sawi thîn ve dân a ni a. Sâp tawng Bible lehlin hrang hrante hian Sebna nihna sawifiah nân

ṭawngkam hran hran an hmang hlawm a; chung ṭawngkam hrang hrangte chuan a mawhphurhna chungchâng an sawi theuh hlawm a ni. Lehlin eng emaw zât chuan “steward” tih an hman lâiin (ESV, TLV, RSV, NRSV, NASB, HCSB, NKJV, NIV), lehlin thar deuh zâwkho chuan “official” (CEB) tih te, “caretaker” (VOICE) tih te, “place administrator” (NLT), “manager” (NCV) tih te, “servant” (NCV) tih leh “prime minister” (CEV) tihte-in an sawi thung a. Lehlin hlui deuh zâwkte chuan “treasurer” tiin an dah a (KJV, ASV, AMPC, MEV). Lehlin thenkhat chuan “in charge” (GW, NASB) tih emaw, “taking care of” (NLV) tih emaw an hmang bawk. Hêng ṭawngkam an hman hrang hrangte aṭang hian “enkawltûte” (“stewards”) chu anmahni ruaitûten an chhôngkaw member angah ngâiin an inah an chêntîr ve ṭhîn tih a lang. Anmahni ruaitûte thil neihte, an hnuaiia thawk chhiahhlawh dangte hnathawhte leh an thil tih tûrte an kaihruai a, an pûte sum leh pâi pawh eng emaw chen chu vawnsakin, sawrkâr “mi pawimawh” anga ngaih pawh a ni maithei e.

Thuthlung Thar hunlâi khân enkawltu tia an lehlin tâk hi thumal pahnih a awm a. Hriat tânglâwn zâwk chu *oikonomos* niin, wavi sâwm emaw a lang; a dang chu *epitropos* niin, wavi thum chauh a lang thung. *Oikonomos* tih hi chu thumal pahnih—*oikos*, chênna in sawina pângngâi leh, “enkawl” emaw, “awmze neia rem” tih sawina, *nemo* kaih kawp a ni a. Chuti a nih chuan enkawltu chu in chhônga mi/thil awmte awmze neia remkhâwmtu tihna a ni ang. Thumal dang, *epitropos* tih hi chu enkawltûte tih sawi nâna hman chu ni vê tho mah se, sawrkâr mi pawimawhte emaw, naupang enkawltûte emaw sawi nân pawh hman theih tho a ni bawk a. Galatia 4:2-ah chuan *epitropos* leh *oikonomos* tihte hi hman kawp a ni a. Hêng thumal pahnihte hi Thuthlung Thar lehkhâbute hian a ngialngana an hman ṭhîn bâkah, thlarau lam thilte sawi nân pawh hman a ni vê tho ṭhîn a ni tih a lang. Chutianga thlarau lam thil sawina atâna hman a nih dân chu thupui ṭhen dawt lehah hian thûk zâwkin kan chhui dân a ni.

**Ngaihtuah teh:** Enkawltûte chu mawhphurhna sâng tak pêk an ni chung a chhiahhlawh anga ngaih an nih thona hian eng tiangin nge Kristian chhiahhlawh nihna emaw, Kristian rawngbâwlina emaw kan pawm dân hi a sawifiah le?

**II. Thlarau lam thutak enkawlin** (*1 Korin 4:1, 2; Tita 1:7; 1 Petera 4:10; Kolosa 2:2, 3; 1 Timothea 3:16*).

Thuthlung Thar lehkhâbûte hian Thuthlung Hlui lehkhâbûte ang bawkin enkawltu tih thumal chu a ngial a nganin hmang thîn tho baw mah se, a hman dânah tlêma huang zauh hretin thlarau lam thutakte, Paula “Pathian thurilte” tia a lo sawi enkawl thu sawi nân pawh an hmang tho baw. 1 Korin 4:1, 2-ah chuan he thumal hi chanchin tha rawngbâwltûte sawi nân hman a ni a. Tita hnêna Paula lehkhathawn chuan kohhran hruaitu, a bîkin elder-te leh overseer-te sawina atân a hmang. Chutih lâiin Petera chuan ringtu zawng zawngte huam vekin a hmang vê thung a. Pathianin *risk a* rawn lâk hi ngun takin han ngaihtuah teh: a thlarau lam hausakna chatuan rohlûte chu hlum bêl keh thei—chumi awmzia chu kan taksa boral thei hian kan lo keng tihna a nih chu.

Chutiang thlarau lam sum leh pâia vûrna-in a kel tel mawhphurhna chu ngun takin ngaihtuah la. Pathian chanchin tha enkawltu rinawm tak ni tûra a fuihna thûte hi a pawimawh viau tho rualin, amâ nun khân thu a sawi ring zâwk mah a. Harsatna sawi hleih theih loh han tâwk thîn mah se, nasa zâwk leh rinawm taka chanchin tha hmâkhua ngaih leh zêl a tum tlat thîn. Heti hian a thil lo tawn tawhte chu a sawi a: “Krista rawngbâwltûte an ni maw? (mi â angin han sawi ta ila) Ka ni zâwk mah; thawh rimnaahte nasa lehzualin, tân ina tânaahte nasa lehzualin, vuaknaahte hleihluak takin, thihnaahte wawi tam tak, Juda-te laka vuakna wawi khata wawi sawm li tling lo wawi ngâ ka tâwk a; wawi thum tianga vuakin ka awm a, wawi khat lunga denin ka awm a, wawi thum lawng chhياتna ka tâwk a, zan khat leh ni khat tuifinriatah ka awm a; khaw fannahte wawi tam tak, luite laka hlauhawmah te, suamhmangte laka hlauhawm te, ka chipuite laka hlauhawmte, Jentail-te lakah hlauhawm te, khawpuia hlauhawmah te, thlalêra hlauhawmah te, tuifinriata hlauhawmah te, unau derte

zînga hlauhawmah te, thawhhahna leh thawhrimnaah te, mutmawhnate vawi tam tak; rilîâm leh tuihâlnaah te, chaw ngheinaah te, vawi tam tak khawsik leh saruaka awmnaah te. Hêng pâwn lam thil ka sawi bâkah hian kohhranho zawng zawng ka ngaihtuahna, nî tin mi delh rengtu hi a awm bawk a. Mi chak lote ka tuarpui lo ngâi em ni? Mi an tlûkin ka vei lo ngâi em ni?” (2 Korin 11:23–29).

Paula hian chanchin ða rawngbâwltu a nihna anga a mawhphurhna chu a pawm a, a hlen chhuak tûra tih ngâi awm zawng zawng chu hmaih pakhat mah awm lovin a tikim vek bawk a ni.

**Ngaihtuah teh:** Paulan thlarau lam enkawltu a nihna anga thil min hnutchhiah leh, Krista pasalðha dangte pawhin min hnutchhiahte hi ngaihtuah la, i thih hnû-ah eng thil ropui nge hnutchhiah i neih ve dâwn le?

### **RAHBI 3-NA—A taka nunpui tûr**

**ZIRTÎRTÛTE PUÂL:** Pathian chuan min ring ngamin dinhmun pawimawh takah min dah a. Thlarau bote hmâkhua chu kan kutah a awm mêk a ni. Duhthlanna kan siam tinrêng mai hian Pathian hnâ a tihmasâwn loh vêk chuan, a tiðuanawp tal ðîn. Hêng thilte atân hian tu nge tling zo le? Krista chuan vântirhkohte hnênah a rohlu enkawltu nihna chu a hlân thei reng a. Khawvêl danga mihring chêng, سوالنا nei miah lote chu a ko thei bawk. Mihringte hi tichimit vekin mihring thar a din leh thei bawk a. Mahse chutiang chuan ti lovin, Amâ nun a hlân ta zâwk a, tichuan suala tlu tawh khawvêla a khawngaihna enkawltu rinawm takte ni tûrin min beisei ta a ni.

### **Ngaihtuah zui tûr/a taka nunpui tûr zawhnate:**

❶ Tûnlâi huna Kristiante hian eng tin nge Paula leh Isua zirtîrten kan khawvêl hnêna thlarau lam thutak enkawltu ni tûra phûrna leh thathona an neih ang kha kan neih vê theih ang?

- ② Tûnlâi kan khawtlâng nunah hian enkawltu rinawmte hriat theih dân tûr ziarângte chu eng nge ni?
- ③ Krista duhzâwngte chu kan thil ngaih pawimawh ber a nih a, keimahni duhzâwngte hi chu a dawttu-ah kan dah a ni tih a chian nân rahbi engte nge kan zawh ang?
- ④ Kristian enkawltu kan nihna kawngah hian Thlarau Thianghlim thutiam engte hian nge min fuihphûr ang?
- ⑤ Paula chuan mana lei tawh kan nih avângin keimahni tâ kan nih loh thu a sawi a. Hê thu hian eng tin nge Kristian enkawltu kan nihna kawngah mi a tihphûr dân?
- ⑥ Enkawltu rinawm kan nihna anga kan huhâng hi eng tin nge mi dangte tihmuhtu nihna atân kan hman theih ang?

#### **RAHBI 4-NA—Boruak siam rawhe**

**ZIRTÏRTÏTE PUÁL:** Pathian thilthlâwnpêkte enkawltûte chu kan ni ngei hlawm a; mahse chu âia pawimawh zâwk chu a khawngaihna enkawltûte kan ni hi a ni. Hêng thil pahnihte hi kal kawp tlat leh inpui tawn an ni bawk. Pathianin mawhphurhna min pêkna tîsa lam leh thlarau lam thilte hi chanchin ðha rawngbâwltu rinawm tak nih duhte chuan Pathian hna awmze nei taka thawh nân an hman thei a ni.

#### **Tih tûrte:**

- ① Vawiin zirlai hi a tlângpuiin ziaak chhuak la, ðhalâte/tleirâwlte hnênah sawi chhâwng vê leh ang che. Nangma'n rinna kawng i lo zawh tawh dân te chu sawi telin, nangmâ duhzâwng ni lova, nangmah ruaitu Pathian duhzâwng i dah pawimawh zâwk ðhin dân pawh sawi bawk rawh. Chutianga Pathian duhzâwng chu pawimawh bera i dah hmasak avânga tîsâ leh thlarau lama malsâwmna i dawn tawh dân pawh i sawi dân nia.
- ② In khawtlâng mamawhte kha ngun takin zir Chiang la. Tichuan, Pathianin thilthlâwnpêk danglam bîk tak leh *talen* a kawltûr che kha hre chungin i ðangkâi theihna mualah khân danglamna thlentû nih i tum dân nia.